



Dyddiad a Crëwyd: 21/05/2018
Dyddiad y
Cyhoeddwyd: 07/06/2018
Rhif y Fersiwn: 1.00

Mae'r broses o gofrestru etholwyr a chynnal etholiadau yn cael eu llywodraethu gan Ddeddf Cynrychiolaeth y Bobl 1983, fel y'i diwygir. O dan Adran 8 o'r Ddeddf, mae'n rhaid i Gynghorau lleol benodi Swyddog Cofrestru Etholiadol/Swyddog Canlyniadau, gyda'r penodiadau hynny'n rhai ar wahân i benodiadau eraill y Cyngor, a'r dyletswyddau'n unigryw i'r swydd dan sylw. Mae'r Swyddog Cofrestru Etholiadol yn cyflawni dyletswyddau ar sail ei allu personol ei hun, ac nid ar ran yr awdurdod lleol.

Yn yr Hysbysiad Preifatrwydd hwn, cyfeirir at y Swyddog Cofrestru Etholiadol/Swyddog Canlyniadau, ynghyd â'r staff sy'n cyflawni dyletswyddau ar eu rhan, fel y Gwasanaethau Etholiadol.

Maes Gwasanaeth/Gwaith:	Gwasanaethau Etholiadol
Manylion cyswllt:	David Beecham – Rheolwr Gwasanaethau Etholiadol Rhif Ffôn: 01443 864405 E-bost: etholiadau@caerffili.gov.uk
Enw'r Hysbysiad Preifatrwydd:	Gwasanaethau Etholiadol
Disgrifiad o'r Hysbysiad Preifatrwydd:	Bydd yr Hysbysiad Preifatrwydd hwn yn egluro'r modd y bydd y Gwasanaethau Etholiadol yn defnyddio eich gwybodaeth, gan nodi â phwy y bydd yr wybodaeth yn cael ei rhannu.

Sut y byddwn yn defnyddio eich gwybodaeth?

Y ffynhonnell a'r math o wybodaeth a brosesir

Byddai'r rhan fwyaf o'r data personol a gedwir/ddefnyddir gan y Gwasanaethau Etholiadol wedi cael eu casglu'n uniongyrchol gan yr unigolyn. Fodd bynnag, mae gan y Gwasanaethau Etholiadol yr hawl i gyrchu cofnodion y Cyngor er mwyn helpu i gynnal y gofrestr o etholwyr (Adran 9A o Ddeddf Cynrychiolaeth y Bobl 1983).

Byddwn yn egluro isod pa gategoriâu o wybodaeth y gellir eu cael, ynghyd â ffynhonnell benodol yr wybodaeth honno.

Categoriâu/Ffynhonnell y data personol a gesglir

Byddai'r wybodaeth a nodir isod ar gael gan Gyngor Bwrdeistref Caerffili.

- Manylion am Gyfeiriad Eiddo – byddai ffynhonnell yr wybodaeth yn cynnwys rhestr eiddo
- Enw a Chyfeiriad yr Etholwyr – byddai ffynhonnell yr wybodaeth yn cynnwys y Dreth Gyngor

Eich Rhwymedigaethau

Mae dyletswydd arnoch i ddarparu'r wybodaeth ganlynol

Mae dyletswydd statudol arnoch i ddarparu'r wybodaeth y gofynnir amdani ar y canfasiad blynyddol o eiddo, a nodir isod:

Mae Adran 9 o Ddeddf Cynrychiolaeth y Bobl 1983 yn ei gwneud yn ofynnol i'r Gwasanaethau Etholiadol gynnal cofrestr o etholwyr, ac mae Adran 10 yn ei gwneud yn ofynnol i'r Gwasanaethau Etholiadol gynnal canfasiad blynyddol o eiddo.

Canlyniadau peidio â darparu'r wybodaeth y gofynnir amdani

Mae rheoliad 23 o Reoliadau Cynrychiolaeth y Bobl yn ei gwneud yn drosedd peidio â chydymffurfio â chais am wybodaeth gan y Gwasanaethau Etholiadol – bydd yna ddirwy ag uchafswm o £1,000 neu £5,000, neu garchar am gyfnod o chwe mis, os bydd gwybodaeth ffug yn cael ei darparu.

Y diben a'r sail gyfreithiol ar gyfer defnyddio eich gwybodaeth

Diben y gwaith prosesu

Bydd eich enw a'ch cyfeiriad yn ffurfio rhan o'r gofrestr etholiadol, a bydd eich dyddiad geni yn cael ei gadw (nid ar y gofrestr) er mwyn sicrhau eich bod dros 18 oed, at ddibenion pleidleisio, ac o dan 76 oed, er mwyn cael eich eithrio o wasanaeth y Rheithgor. At hyn, bydd eich cenedligrwydd yn cael ei gadw i alluogi'r Gwasanaethau Etholiadol i roi'r hawl i chi bleidleisio yn yr etholiadau yr ydych yn gymwys ar eu cyfer.

Mae'n ofynnol i'r Gwasanaethau Etholiadol gael rhifau Yswiriant Gwladol er mwyn cynnal gwiriad hunaniaeth â'r Adran Gwaith a Phensiynau (DWP). Ni fydd y rhain yn cael eu cadw ar ôl i chi gofrestru.

Os ydych yn bleidleisiwr absennol (trwy'r post neu trwy ddirprwy), mae'n rhaid i'r Gwasanaethau Etholiadol hefyd gadw copi o'ch llofnod a'ch dyddiad geni, er mwyn gwirio'r dynodwyr hyn yn erbyn eich pleidlais bost.

Bydd y Gwasanaethau Etholiadol hefyd yn prosesu gwybodaeth gan ymgeiswyr etholiadol a'u hasiantau.

Bydd y Gwasanaethau Etholiadol yn rhoi opsiwn i chi gyflwyno eich cyfeiriad e-bost neu eich rhif ffôn. Bydd y manylion hyn yn cael eu defnyddio'n unig os bydd angen cysylltu â chi am eich cofrestrriad – ni fyddant fyth yn cael eu rhannu. Gallwch ofyn am gael tynnu'r rhain oddi ar ein cofnodion, ar unrhyw adeg.

Bydd y Gwasanaethau Etholiadol yn prosesu eich data i gyhoeddi cofrestr etholiadol sydd â mynediad llawn ac agored, ac er mwyn rheoli etholiadau.

Gallwch ddewis optio allan o'r gofrestr mynediad agored, ar unrhyw adeg. Gall unrhyw un brynu'r gofrestr hon, a gellir ei defnyddio at unrhyw ddiben (e.e. marchnata gan elusennau a busnesau). Mae'r gofrestr lawn ar gael i'w harchwilio'n unig (gall pobl ysgrifennu nodiadau â llaw yn seiliedig arni) yn swyddfa'r Gwasanaethau Etholiadol, ac mae'r hyn y gellir defnyddio'r wybodaeth ar ei gyfer wedi cael ei gyfyngu gan y gyfraith.

Am eglurhad o'r cofrestri llawn, a'r rhai a adolygwyd, gweler atodiad 1.

Y sail gyfreithiol ar gyfer prosesu

Manylir isod ar y rhwymedigaeth statudol i brosesu eich gwybodaeth:

Mae Adran 9 o Ddeddf Cynrychiolaeth y Bobl 1983 yn ei gwneud yn ofynnol i'r Gwasanaethau Etholiadol gynnal cofrestr o etholwyr, ac mae Rheoliad 93 yn gwneud cyhoeddi ail gofrestr 'mynediad agored' yn ofynnol. Mae Rheoliad 26 o'r Rheoliadau yn galluogi'r Gwasanaethau Etholiadol i brosesu dyddiadau geni a rhifau Yswiriant Gwladol.

Mae Deddf Cynrychiolaeth y Bobl (Adran 23) yn ei gwneud yn ofynnol i'r Gwasanaethau Etholiadol weinyddu etholiadau seneddol.

Er mwyn sicrhau bod y gwaith prosesu data personol yn gyfreithlon o dan Reoliad Cyffredinol ar Ddiogelu Data 2016, mae'n rhaid nodi amod dilys o Erthygl 6 o'r Rheoliadau, a amlinellir isod:

1c. mae'r gwaith prosesu yn angenrheidiol i gydymffurfio â rhwymedigaeth gyfreithiol lle bo'r rheolydd yn wrthyich;

Pwy fydd yn gallu cyrchu eich gwybodaeth?

Hunaniaeth y Rheolwr Data

Y Rheolwr Data ar gyfer eich gwybodaeth yw Swyddog Cofrestru Etholiadol a Swyddog Canlyniadau Cyngor Bwrdeistref Sirol Caerffili. Cysylltwch â:

David Beecham
Y Rheolwr Gwasanaethau Etholiadol
Rhif Ffôn: 01443 864405
E-bost: etholiadau@caerffili.gov.uk

Efallai y bydd Rheolwyr Data eraill hefyd yn gyfrifol am eich gwybodaeth, yn dibynnu ar yr amgylchiadau penodol. Cysylltwch â'r Maes Gwasanaeth am ragor o wybodaeth.

Manylion prif ddefnyddwyr eich gwybodaeth

Prif ddefnyddiwr eich gwybodaeth fydd y Gwasanaethau Etholiadol

Manylion unrhyw arferion o ran rhannu eich gwybodaeth ag eraill

Mae gan yr isod yr hawl statudol i gael copi o'r gofrestr:-

- Mae gan Gyngor Bwrdeistref Sirol Caerffili a chynghorau tref/cymuned yr hawl i gael copi o'r gofrestr etholiadol (Rheoliad 107 o Reoliadau Cynrychiolaeth y Bobl 2001).
- Mae gan Gynghorwyr Awdurdodau Lleol, Aelodau Seneddol ac Aelodau Cynulliad Cenedlaethol Cymru'r hawl i gael copi o'r gofrestr ar gyfer eu hadran, eu hetholaeth neu eu rhanbarth etholiadol (Rheoliad 103 o Reoliadau Cynrychiolaeth y Bobl 2001).
- Mae gan ymgeiswyr mewn etholiadau'r hawl i gael copi o'r gofrestr ar gyfer y sedd y maent yn ymgeisio amdani (Rheoliad 108 o Reoliadau Cynrychiolaeth y Bobl 2001).
- Mae gan swyddfeydd gwleidyddol etholaethol lleol yr hawl i gael copi o'r gofrestr sy'n cwmpasu eu hetholaeth (Rheoliad 105 o Reoliadau Cynrychiolaeth y Bobl 2001).

- Mae gan blaid wleidyddol gofrestredig neu drydydd parti cydnabyddedig (yn ogystal â chyfranogwyr cymeradwy mewn refferenda) yr hawl i gael copi o'r gofrestr lawn (Rheoliad 109 o Reoliadau Cynrychiolaeth y Bobl 2001). (Yn unol â'r hyn sydd wedi'i gofrestru gyda'r Comisiwn Etholiadol)
- Mae gan yr Heddlu'r hawl i gael copi o'r gofrestr lawn (Rheoliad 109 o Reoliadau Cynrychiolaeth y Bobl 2001).
- Mae gan Lyfrgell Genedlaethol Cymru'r hawl i gael copi o'r gofrestr lawn (Rheoliad 97 o Reoliadau Cynrychiolaeth y Bobl 2001).
- Mae gan y Comisiwn Etholiadol yr hawl i gael copi o'r gofrestr lawn (Rheoliad 100 o Reoliadau Cynrychiolaeth y Bobl 2001).
- Mae gan y Comisiwn Ffiniau'r hawl i gael copi o'r gofrestr lawn (Rheoliad 101 o Reoliadau Cynrychiolaeth y Bobl 2001).
- Mae gan y Swyddog Canlyniadau ar gyfer etholaeth Merthyr Tudful a Rhymni'r hawl i gael copi o'r gofrestr ar gyfer ei ardal (Rheoliad 98 o Reoliadau Cynrychiolaeth y Bobl 2001).
- Mae gan Asiantaethau Gwirio Credyd yr hawl i gael copi o'r gofrestr lawn at ddibenion cynnal gwiriadau credyd ar ôl talu'r ffi statudol. (Rheoliadau 113 ac 114 o Reoliadau Cynrychiolaeth y Bobl 2001).
- Gall adrannau'r Llywodraeth hefyd brynu'r gofrestr lawn (Rheoliadau 113 ac 114 o Reoliadau Cynrychiolaeth y Bobl 2001).
- Mae gan Wasanaethau'r Llysoedd yr hawl i gael copi o'r gofrestr er mwyn gwysio preswylwyr i'r gwasanaeth Rheithgor (Deddf y Rheithgorau)
- Rhaid gwerthu'r gofrestr a adolygir i unrhyw unigolyn sy'n gofyn am gopi ohoni (Rheoliad 110 o Reoliadau Cynrychiolaeth y Bobl 2001).
- Mae archifau Morgannwg Ganol a Gwent yn cael copïau o bob cofrestr flynyddol sy'n cwmpasu eu hardaloedd. (Rheoliad 109A o Reoliadau Cynrychiolaeth y Bobl 2001)

Mae'r Gwasanaethau Etholiadol hefyd yn rhannu gwybodaeth â'r canlynol, am y rhesymau a nodir isod:

- Ceisiadau am fynediad er mwyn Atal Troseddau – gall gwybodaeth bersonol gael ei chyflwyno os bydd y Gwasanaethau Etholiadol yn fodlon bod y rheolau at ddibenion atal a chanfod troseddau, neu o ran dal neu erlyn troseddwyr, wedi cael eu bodloni.
- Bydd y Gwasanaethau Etholiadol yn rhannu eich enw, eich cyfeiriad, eich dyddiad geni, eich rhif Yswiriant Gwladol, eich cenedligrwydd a'ch cyfeiriad blaenorol â Swyddfa'r Cabinet a'r Adran Waith a Phensiynau, er mwyn cynnal gwiriadau adnabod ar gyfer ymgeiswyr cofrestru newydd. Mae cytundeb rhannu data ar waith i ddiogelu data personol.
- Bydd y Gwasanaethau Etholiadol yn rhannu'r gofrestr etholiadol â Swyddfa'r Cabinet, a hynny'n rhan o'r Fenter Twyll Genedlaethol (Rhan 6 o Ddeddf Archwilio ac Atebolrwydd Lleol 2014).

Manylion unrhyw broseswyr data allanol

Bydd y Gwasanaethau Etholiadol yn rhannu eich enw, eich cyfeiriad a'ch rhif etholwr â chyflenwyr argraffu er mwyn cynhyrchu cardiau pleidleisio a deunydd ar gyfer pleidleisiau post. Mae'r Gwasanaethau Etholiadol hefyd yn rhannu eich enw, eich cyfeiriad, a'ch cenedligrwydd â chyflenwyr argraffu er mwyn llunio ffurflenni canfasio blynyddol, yn ogystal â nodi a ydych yn 76 mlwydd oed neu'n hŷn.

Mewn perthynas â'r uchod, mae yna gytundeb prosesu data/contract ar waith er mwyn diogelu'r wybodaeth bersonol sy'n cael ei phrosesu.

Am ba hyd y byddwn yn cadw eich gwybodaeth?

Manylion y cyfnod cadw

Mae'r cyfnod y mae'r Gwasanaethau Etholiadol yn cadw gwybodaeth yn cael ei bennu trwy ofynion statudol neu arferion gorau.

Cofrestrau Etholiadol – 15 mlynedd, er mwyn gwirio'r hawl i gofrestru etholwyr tramor.

Dynodwyr Pleidlais Absennol – 5 mlynedd, cyn y byddant yn cael 'eu hadnewyddu' neu eu dileu, a'r hawl i bleidleisio trwy'r post/trwy ddirprwy yn cael ei thynnu'n ôl.

Ffurflenni Cofrestru a thystiolaeth o ran oedran a chenedligrwydd (gan gynnwys Ffurflenni Ymholiadau Cartrefi a Ffurflenni Gwahoddiad i Gofrestru) ar gyfer oes y gofrestr honno (Un flwyddyn)

Mae dogfennau etholiadol yn cael eu storio'n ddiogel am flwyddyn.

Mae ffurflenni cyfeiriad cartref ymgeisydd mewn etholiad Seneddol yn cael eu dinistrio 21 diwrnod wedi i'r aelod gael ei ethol.

Mae treuliau etholiadol ymgeisydd yn cael eu cadw'n ddiogel am ddwy flynedd (ac eithrio treuliau ymgeiswyr Ewropeaidd a chynghorau tref/cymuned, sy'n cael eu storio am flwyddyn)

Eich Hawliau (gan gynnwys y Weithdrefn Gwynion)

Eich hawliau o dan y Ddeddf Diogelu Data

Mae'r ddeddf Diogelu Data yn rhoi nifer o hawliau i'r testunau data (y rheiny y mae'r wybodaeth yn sôn amdanynt), gan gynnwys:

- Hawl i gael mynediad at ddata gan y testun – mae ffurflenni cais ar gyfer y broses hon ar gael ar ein gwefan: [Ffurflen Gais am Fynediad at Ddata gan y Testun \(SAR\)](#)
 - Yr hawl i gael gwybod
 - Yr hawl i gywiro
 - Yr hawl i ddileu
 - Yr hawl i gyfyngu ar brosesu
 - Yr hawl i wrthwynebu
 - Yr hawl i gludadwyedd data
 - Hawliau mewn perthynas â gwneud penderfyniadau a phroffilio awtomataidd.

Mae rhagor o wybodaeth am eich hawliau ar gael ar y wefan hon: www.ico.org.uk.

Er mwyn datgan eich hawliau, cysylltwch â'r maes gwasanaeth y manylir arno ar frig y ffurflen hon.

Y Weithdrefn Gwynion

Os ydych yn anfodlon â'r modd y mae'r Gwasanaethau Etholiadol wedi ymdrin â'ch cais/gwybodaeth, mae gennych yr hawl i gwyno. Cysylltwch â'r Gwasanaethau Etholiadol, y manylir arnynt ar frig y ddogfen hon, gan amlinellu eich pryderon.

Os byddwch yn parhau'n anfodlon, mae gennych hefyd yr hawl i gwyno wrth Swyddfa'r Comisiynydd Gwybodaeth, y manylir arni isod:

Swyddfa'r Comisiynydd Gwybodaeth Yr Ail Lawr, Churchill House Ffordd Churchill Caerdydd CF10 2HH	Rhif Ffôn: 029 2067 8400 Ffacs: 0292 067 8399 E-bost: wales@ico.org.uk
--	--

Atodiad 1

Mae yna ddwy gofrestr. Pam?

Gan ddefnyddio gwybodaeth gan y cyhoedd, mae'r swyddogion cofrestru yn cadw dwy gofrestr – y gofrestr etholiadol a'r gofrestr agored (a elwir hefyd yn gofrestr golygedig).

Mae'r gofrestr etholiadol yn rhestru enwau a chyfeiriadau pob un sydd wedi cofrestru i bleidleisio mewn etholiadau cyhoeddus. Mae'r gofrestr yn cael ei defnyddio at ddibenion etholiadol, er enghraifft sicrhau mai dim ond pobl sy'n gymwys i bleidleisio a all wneud hynny. Mae hefyd yn cael ei defnyddio at ddibenion cyfyngedig eraill a bennir gan y gyfraith, er enghraifft:

- canfod troseddau (e.e. twyll)
- gwysio pobl i'r gwasanaeth rheithgor
- gwirio ceisiadau credyd.

Rhan o'r gofrestr etholiadol yw'r gofrestr agored, ond nid yw'n cael ei defnyddio ar gyfer etholiadau. Gall unrhyw unigolyn, gwmni neu sefydliad ei phrynu. Er enghraifft, mae busnesau ac elusennau'n ei defnyddio i gadarnhau manylion enwau a chyfeiriadau. Bydd eich enw a'ch cyfeiriad yn cael eu cynnwys ar y gofrestr agored, oni bai eich bod yn gofyn am gael eu tynni oddi yno. Ni fydd tynnu eich manylion oddi ar y gofrestr agored yn effeithio ar eich hawl i bleidleisio.